

DUCE DEO  
DISPUTATIO PHILOSOPHICA  
*De*  
**MAGIA NATURALI,**  
Cum approbatione & Consensu V.dæ Facultatis Phi-  
losophicæ in celeberrima, quæ Aboæ ad Auram est,  
Academia eruditis ad ventilandum  
publicè exhibita.

P R A E S I D E

**M. IOHANNE S. VVASSENIO**  
VV-Gotho.

R E S P O N D E N T E

**AXELIO JONÆ ORRÆ / Finlando.**

Ad Diem 17. Junij, horis & loco consuetis,  
Anni 1648.

Seneca

Cum imus per occultæ naturæ, cum divina tractamus, vindicandus est à malis  
suis animus.

Levin. Lemn. ex Arist.

Nihil in natura rerum tam minutum, tamq; vile & abiectum, quod non aliquid  
admirationis hominibus adferat.



A B O Æ,

Excudebat Petrus Wald/ Acad. Typogr. 1648.

HEROI EXCELSO.

Generosissimo ac Illustrissimo Domino,

DN. LINNARDO TOR-

S T E N S O N

Comiti in Ortala/L.B.in Virestadh/ Domino in Re-  
stadh/Forstena & Rasiß/ Eqviti Aurato. S. R. M. tis  
Regnumq; Sveciae ac Gothia Senatori & Consiliario, exer-  
citus Generali campi Marschallo, nec non Generali  
per Pomeraniam Gubernatori, Domino  
gratiosissimo.

*Salutem & devota obsequia.*

**G**raves sunt causæ, illustrissime Comes, quæ me impulerunt, ut Disputationem hanc  
nomini tuo sacralem ut gratitudinis rediostimatum, ut subiectionis arrhabonem.  
Sciens prætero tua in universam patriam, ne dicam ultra, heroicæ merita, quibus  
omnes Europæ Orbis populos in tui non solum venerationem, sed & admirationem ra-  
puisti, unde tot laudum trophæa, tot æternitatis symbola magnifica tibi cumulaisti. Taceo  
etiam summum tuum in Ordinem Literarium favorem & clementiam omni stylo ma-  
iore. Attingam specialiora: Non enim me fugit, quot & quanta Generosus & No-  
bilissimus parentis tuus beatæ memoria TORSTEN ZYRTURSON/Ecclesiæ  
parenti meo concreditæ, quondam membrum pietate & liberalitate conspicuum, in pa-  
rentem meum contulit beneficia: quot & quanta T.C. in eundem Liberalitatis & cle-  
mentia reposuit vestigia, quæ omnia ille in sua senecta etiamnum gratissimam recondit  
mente, gratissimo depraedicat ore. Gratitudinem hanc debitam, Celsissime Comes, quæ  
scias in patre meo non solum servatam, verum & in filium derivatam, volui munus hoe-  
ce chartaceum (quod si ex se consideretur, vile; Si verò ex offerentis animo, maximum  
profectò reputandum) humilimam manu & mente offerre, ut non solum gratum me fer-  
vens testarer, sed etiam Cels. Tua favorem & Clementiam mihi meisq; studiis lucrarer.  
Accipe igitur pro favore tuo singulari illum clientem, qui T. & Cels. serviis se totum ob-  
sticatum proficitur.

*Aboe 15. Cal. Iulij.*

Anno 1648.

*Tua Celsitudini*

*Humilimus & Dicatissimus*

JOHANNES S. WASSENIUS W. Gothus<sup>us</sup>  
Author & Praes.

# PRODROMUS.

**M**agia Naturalis apud eruditos quosq; seculorum omnium in quanto fuerit & sit aestimatio, Doctorum passim testantur monumenta. Hac primitus perfecte ornatus erat omniū nostrū parens Adamus: Hac imbutus erat Salomon, Sol & Sal sapientissimorum regum Mundi: Hujus enim de omnibus Naturae myste-rijs sermones, nil nisi accuratae erant disputationes. Hanc sapientissimi quiq; festo excepere plausu, ut Empedocles, Aesculapius, Democritus, Plato, Anaxagoras, Archimedes, Porta &c. qui ad hanc Helenam formosissimam, ad hanc physicæ lampadem maximam sibi acquirendam è patrijs suis discesserunt, exilijs potius quam peregrinationibus suscepit: Hæc Dea est, cui fame siccj, siti aridi, procul à villarum amoenitatibus, à micorum congressibus, in cubiculorum recessu contabescentes sedulò litauit. In hujus ego, ne post Homerum Iliada conscribere videar, laudes a surgere nolo, nullus interim dubitans, quin omnes candidi hanc materiam ut scitu jucundissimam & utilissimam, ita ventilatu dignissimam, vel me tacente, sponte suā judicent. Cum itaq; Divinā affulgente gratiā, privatum Collegium physicum Disputationibus XXII. inclusum jam ad finem ferè perduxerim, placuit agellum Magicum aliquantulum laboriosius assumere repastinandum, atq; ea quæ de Magia Naturali antea privatim breviter proposui, nunc publicè paulò fusiùs persequi & paralipomena quædam sectari, idq; cùm ob materiæ jucunditatem, tūm etiā gravitatem & emplitudinem: nullibi enim in physicis tantum reperiatur cibelestamenti

& commodi, quantum in ipsa naturali magia. Hinc  
verissimum est illud, quod Christ. Gluckradt ex Libavio  
dicit: Disputant quidem mulier vno, de infinito, de motu, de eternitate  
mundi & aliis questionibus Physicis, verum ubi anxiedadmodum singula e-  
voluerunt, nihil amplius in singularitate rerum profecerunt, quam forte me-  
diocriter eruditus. Ast hæc Magia stupenda Dei Opt. Max. ope  
nobis pandit & ob oculos ponit, hæc est, quæ tot naturæ  
arcana & occultas proprietates eruit & patefacit, totq;  
Sympathia & antipathia effecta per quam admiranda  
inquit. Hæc nostra jam Rhodus erit, hic nobis pro vi-  
tibus saltandum.

Cer lingvamq; Deus Sacro nunc flamine lustra,  
Quod tibi discursus gratus & hicce siet.

## THE S I S I.

**M**undum ex concordia & lite compositum esse acu-  
te pronunciavit Empedocles: In mundo nempe  
et infinite, ita admirabiles rerum naturalium sunt for-  
ma, qualitatibus nunc occultis, nunc manifestis scaten-  
tes stupendis, quæ omnis amoris & odij sive sympa-  
thia & Antipathiæ præbent fundamentum. Ex  
his perfectè cognitis & rectè applicatis, Naturæ lu-  
denter latentes deliciae ac divitiae magnificaq; spectacu-  
la oriuntur, quæ non mercede sed miraculo coluntur,  
undè scientiarum surgit Apex Magia. Hanc er-  
go magnorum in Philosophia procerum vivis ex-  
perimentis probatam improbare vel negare, est  
experienciam bellum indicere.

STAN-

2. SYMPATHIA est amor naturalis corporis unius erga aliud. Amant enim se naturæ nullo accepto beneficio. Naphta ē longinquæ ad se ignem trahit & inflammatur. Celebre est arctissimum illud ferri & magnetis conjugium, quo initio velut fœdere inter se s'vavissimo adhaerescunt complexus: Selenites nudæ cutis contactu sanguinem quavis ex parte manantem s'stit, dicente Fernelio: Frigore laesis medicam nta profundunt frigida; adustis calida. Venerum re seno pellitur & similia similibus s'pè curantur. In Austria duo fuisse perhibentur gemelli, qui objectis Solis ad januam corporis lateribus, seras & claustra recluserunt. Sic multa sunt animalia, herbe, lapides, quæ cum homine atq; etiā inter se maximam forent concordiam.

3. ANTI PATHIA est odium naturale corporis unius adversus aliud. Sicut enim raptus similiū, sic etiā fuga dissimiliū in tota viget natura. odio se prosequuntur plurima vehementissimo, nullā datā offensā. Oleo, butyro ac pinguedini accessis aquam si affundis, ignis aquam fugiens, non sine murmure loca petit superiora ipsaſq; s'pè incendit ædes: Pernicia sunt cicutæ & rutæ odia. Torpedo ad motum licet pigra, mugiles tamen venatur & capit velocissimos. Hirundinis aerarium & amygdala amara ebrietati resistunt. Un-

gula alcis comitili morbo contrariatur. Homo & serpens ita irreconciliabili dissident similitate, ut viso saltet serpente horreat & contremiscat, immo hoc viso foemine non raro abortiant. Elephas suem, arietem & murem metuit ac fugit: Pullus gallinaceus vix a vo exclusus accipitrem aliasque rapaces volucres formidat & ad matrem fugasibi consulit, cum equum vel bovem non pertimescat. Sic lupum fugit ovis, hyenam canis, canem lepus, accipitrem columbam. Homines etiam quidam innato quasi ardenti odio, licet nullaz ab invicem injuria affecti: Talem affectum in Volusium se habuisse testatur Catullus:

Non amo te Volusi, nec possum dicere quare,

Hoc tantum possum dicere, non amo te.

Sunt homines, qui feluum praesentia in animi incidentia deliquium; Sed nostri jam non est instituti singula ejusmodi hic enumerare: illi enim qui Naturae atrij penetrissima secreta & recessus intimiores penetrare getit, difficile non erit alijs uot in medium proferre exemplorum myriades. Hinc prae nominato Empedocli suffragatus Heraclitus, Naturam ex bello genitam affirmavit.

PORISMA. Qualitates occulta, que sensus fugiunt, propriae nomine designari nequeant, ignorantiae Asylum & multorum animalium Naturae, ignorantis & impudenter; non sapientis est. Non solum omnia naturae opera ad notas & manifestas qualitatibus illa mentorum instaurarumque qualitatibus temperaturas referri possunt, eum plurimamque nobiliora super barum etiam litionem longe sine elevare & in abstrusiori natura posse fundata. Sic per qualia, occultas, non manifestas magnes tergitur trahit; Heboiropum ad

prout intimiora naturæ mysteria per certas causas speculatur ibi, quiescit; Ars est, dum, acquisitâ scientiâ, ulterius progredivit opera admiranda molitur. Et proinde Magiæ per Habitū ex scientiâ & arte cōstātē, salvâ tamen aliorū authoritate, definiendā statuimus.

9. Duplici Magia gaudet objecto: Res enim abditas scrutatur & opera admiranda efficit. Secundum prius Divinatrix salutari solita est, unde Scal. Cardanum ita alloquitur: Eam (magiam putat) tu cum separas à divinitate, non nisi ridiculam ac nefariam istam vestram Picatricis & aliorum lemurum nugas atq; somnia videris agnovisse; Secundū posteri Thaumaturgica dicitur, prout opera ea producit, quæ vulgarib⁹ ingenijs prodigiosa videntur.

10. Definitur itaq; Magia Naturalis non incomodè, quod sit, Habitus rerū abditarū scientiâ, operūq; ad mirādorū arte cōstās, è Libro Naturæ accquisitus.

11. Cum itaq; partim contemplatione contenta sit, partim ad opera admiranda progredivit, dividitur recte in Theoreticam & Practicam. Illa rerum obscurarum & abditarum est scientia, quæ claruit Anaxagoras, qui ex secretiori cœlestium literarum scientia prædictum, quibus diebus saxum ex alto in terram esset casurum, quod etiam interdiu ad Egos flumen in Thrasia factum est. Idem secundū Theoreticam illam Magiam in siccitate maxima pluviam

prædixit, eamq; ob causam di vine honore mactans est.  
Talis etiam erat Democritus, dum olei prævidens  
caritatens, in toto tractu omne coëmit oleum ex eog, se-  
quente anno quæstum fecit maximum. Hæc co-  
gnitionis ad opera admiranda applicatio est: Se-  
cundum hanc Archimedes, Porta, alijq; varia eaq;  
mirra produxerunt opera.

PORISMA. Verba, characteres & ceremonie ad Magiam Natur-  
alem non spectant: qui enim hisce in morborum curationibus, studiis, con-  
victu, bello, mercatura, agricultura, piscatura, &c. mira quædam præstare co-  
mantur, non naturalem sed Diabolicam exercent magiam.

12. Magia Naturalis in tota sua latitudine consi-  
derata, cum sit habitus aggregatus ex scientia & arte,  
merito eandem cum Philosophia sortita est divisionem,  
imò Magiam secretiorem & subtiliorem Philoso-  
phiam non absurdè dixerim: ad varias enim phi-  
losophiae partes, imò extra Philosophiam sese proten-  
dit, ubi quicquid admirabile in natura præstatur, id re-  
tinet Magia venia nomine.

13. Primo itaq; magia ad Physicam spectat,  
quatenus nimirū omnia opera admirāda ad ipsā  
naturam velut normam exactissimam ponderan-  
tur: totius enim Magie trutina physica est; ideoq;  
hic omnia physici censuræ sunt submittenda, ac an spu-  
ria naturæ proles sit Magia, an germana, disquiren-  
dum. Dum itaq; physicus rerum naturalium abdi-  
cas, & occultas proprietates ac affectiones de corpore  
naturali per causas eruit & alios rimatur, Magiam

*Naturalem profitetur.* Hic uberrima Naturæ secretioris oblectamenta sese produnt, in quibus masculè se humana exercet industria. quis hic magnetis vires, quibus ferrum trahit & ad mundi se convertit polos, non obstupescat? Hinc ferrum vi magnetis supra tabulam potest saltare, nullo visibiliter lapide admoto: harenæ ab inyicem separari: ferrum in pariete ascendere & descendere: harenarum exerceitus præliari, de quæ sunt innumera siusmodi naturæ spectacula amoenissima.

**PORISMA.** Natura arte est præstantior; ab illa itaq; magia magis dependet quam hac: Magia enim opera nihil aliud sunt, quam Naturæ opera; Ars vero ad opus ministra saltem est & famula. Ars potens, Natura potentior, Deus potentissimus.

**14.** Deinde ad Botanicam etiam pertinet, quatenus ex herbarum dignotione & accurata earum cognitione debitaq; postmodum applicazione multa surgunt opera, quæ admirationem pariunt vulgaribus, oblectationem eruditis:

*Quò enim major ignorantia, eò major admiratio.* Sic Mandragora adnata vitib<sup>o</sup> vinum efficit soporiferum, Hac Magia Hannibal, adversus Afros rebellantes à Chastaginensib. missus, lerido stratagemate victoriam obtinuit: Nam vinum Mandragoræ permisum in magna copia secum attuht: post levì prælio commissio, Afris consultò cessit, ubi Afri, castris eius occupatis, in gaudium effusi, vinum istud mandragoræ infectum avidè biberunt; quo facto instar mortuorum altissimo sepulti sunt somno, unde Hannibal reversus osmes eos absq; difficultate captos trucidavit.

**PORISMA.** Nulla herba (sic ut nec verba, characteres & ceremonia) tantà pollet virtute ac vi, ut corpora humana reddere possit inconspecta aut contra iactum iniuriam immunia: Corpus enim coloratum per medium rectè dispositum, ab astantibus rectè fesse habentibus non potest non videri: Molia etiam cum sint corpora humana, molilites illa, salvia manentibus animæ operationibus, in duritiam mutari nequit. Ubi itaq; illi, qui nostrâ lingvâ *Qærdæ* nominantur, nullam à ferro sphærulisve plumbeis sentiunt læsionem, Diabolus ipse ictus suscipit, quo homines secum in æternam trahat perniciem. Botanica ergo à Botanomania distingvenda, virtutis viciois relinqvenda & decus virtuti.

**15.** Deniq; ad Medicinam se extendit Magia, quatenus scz. artificiose, rectè & perfectè medi-

camenta sua miscere, temperare & comparire modo ad ea peragenda componere & applicare novit. Ex hac ipsa adversus pestem præcautiones & antidota fortissima addiscuntur: Ex hac Magia parte vulnera gravissima brevi tempore sanantur. Talem Magum fuisse Aesculapium perhibent, unde de illo versus:

Tuq; potens artis, reduces qui tradere vitas  
Nostri, atq; in cœlum manes revocare sepultos.  
Sic hominis subitanea morte perempti calva Epilepsie  
medetur, idem pæniam præstare, medicorum testatur calculus.

PORISMA. Unguentum armatorium Diabolicam magiam sapit, non Naturalem. Nullus enim hic adest contactus vel virtualis vel corporalis. Nulla hic inter ferrum laedens & corpus laetum sympathia. Nec obstat illum, qui tali utitur unguento, Satana nunquam hac in re implorasse opem. Adeat enim pactum cum Satana, si non explicitum, implicitum tamen, primus enim inventor pactum habuit explicitum, qui vero hunc sequuntur, media à Diabolo prescripta adhibendo, implicitum habent. At Cedite mortales procul hinc, latet anguis in herba.

16. Præterea ad Chymiam sese dilatat, quatenus nimirū per calcinationes, extractiones, putrefactiones, sublimationes & corporū mistorum in atomos sive minima sua ignis adminiculo resolutiones, res admirabiles ac vulgi captum excedentes perficiuntur. Hic crassa corpora spiritus fiunt & spiritus vicissim crassescunt. Sic ferrum, æs, plumbum in aurum vel argentum potest mutari, aurum ex argento, ære, ferro, &c. extrahi. Hic Chymica illa

principia Sal, Sulphur & mercurius à corpore mixto  
artificiose separantur & pura ab impuris secernuntur,  
undē non solum admiranda, sed etiam utilissima sepe  
surgunt opera.

PORISMA. Metallorum quorundam transmutationem negare, est  
Experientia reclamare & invalidis rationibus nimium confidere. Sensum  
enim dimittere in iis, quae sensibus manifesta sunt, & querere rationes, imbe-  
cillitas humani est ingenii.

17. Tandem ad Mathematicam etiam ipse  
stat, ubi ex hujus principijs stupenda in Natura o-  
pera construuntur. Sic Magia docet ignem longif-  
simè ejaculari, pneumatica horologia miro artificio  
conficere, & quæ sunt sexcenta hujusmodi arcana uti-  
lissima. In hac Magia specie laudem reliquis pre-  
ripuit Archimedes Syracusanus Philosophus &  
verè magus, qui specula fecit concava, quibus Roma-  
norum Syracusas obfidentium classem incendit, imò in-  
strumentis suis hostes tanto perculit terrore, ut non  
amplius cum hominibus, verū cum Diis sese pugna-  
re perswasum haberent: idem vitreum fecit cœlum,  
ubi sub pedibus spectare licuit sidera. Hunc æmu-  
latus Drebelius, globum confecit circumrotabilem, o-  
stendente annos, menses, dies, horas, cursum pla-  
netarum &c.

PORISMA. Opera Magia cum utilitate debent esse consuncta.  
Non enim omnia, quæ magia nomine circumseruntur, laudem merentur:  
Reperiuntur non pauci, qui plura inania & inutilia, quam frugifera sectantur,  
qualia sunt: homines de mentare, mulieres vestibus denudare, gemmas spu-  
rias producere veris pro rursis similes, omnis generis monstra procurare, à quibz  
& Deo & Natura abhorrent. Sic etiam artis inertis est vinum vertere in ta-  
ctum. Recte enim Scal. Exerc. 326. dicit: Nostri vindelici & Norici ma-

Hic alteram huic adverfam: malint forte q[ui]adent nostri Greci & Fenni. Sie etiam steris est ars Muscam cedere ferream, que ē domini manu egressa, praesentes circumvolvit fessaq[ue] ad manum heri revertatur: Membrana, que nucis cortice continetur, Homeri iliadem inscribere: Navem eburneum tam parvam facere, ut pennis apicula regi queat. Hæc & similia, cum nec necessitatem ullam dec utilitatem adferant, & artifici magis quam emptori pro sint, multum laudis non merentur. Homines utilia ignorant, quia inutilia didicierunt.

18. Specialiter autem ad Astrologiam pertinet magia, & cum ipsa divinâ quadam consortijs lege conspirat, quatenus nempe ex peculiari siderum influxu rerum consensus & dissensus non sine voluptate eruntur, atq[ue] metallorum, lapidum, herbarum & animantium effecta, vires ac motus panduntur. Hinc herbae, lapides, metalli, homines, bruta Saturnina, Jovialia, Martialis, Solaria, Venerea, Mercurialis, Lunaria. Sic Heliotropium abortu in occasum Solem insequitur, abeuntem intuetur, cumq[ue] eo circumvolvit. Oriente canicula mare aestuat, vina in dolis fervet ac ebulliunt. Sic etiam pro vario luminis motu & constitutione, vario etiam aestu ipsum mare concitatur, nuc indumentis nunc detumescit, fluit ac refluit. Formicæ inter lunio quiescunt, plenilunio etiam noctibus operantur. Cancrorum, ostreorum & conchyliorum corpora cum Luna augentur & imminuuntur, immo in herbis, brutis & ipsis deniq[ue] hominibus pro diverso Lunæ positu humores accrescunt & decrescent.

P O R I S M A. Agra suo influxu in voluntatem hominis non agunt: scilicet direxte & necessariè: inclinant astra, non cogunt. Sapientia ergo

ergo nullis dominabatur, dum iisdem affectata servitute insipiens subiacebat.

19. Ad Oeconomiam non incompetenter refertur magia, quatenus parvâ rei familiaris jaçturâ domesticas res parare & paratas admirabiliter conservare facit. Hic tempora frumentis serendis & colligendis, lignis secandis, alijsq; in oeconomia operibus præstandis idonea panduntur, ut usum nobis præstent longiorem, commoditatem maiorem. Plura quidem adhuc pro ipsius Magiae Manifestate & amplitudine pugnantia promi possent, quæ brevitatis ergo hic omittuntur.

PORISMA. Spiritus familiares acceptandi non sunt, sed Christiani homini veneni instar fugiendi. Sunt ed dementiae quidam progressi, ut patientes his licite uti spiritibus (Dragodocet) ab iisq; fortunas ac divitias accipere: certis etiam inclusos ergafulis quidam tales gestant, doctrinam & honores ab illis reportaturi. Verum nulla homini cum Diabolo societas, orandum potius & laberandum.

20. Præter magiam hanc licitam est pulcherrimo Libro Naturæ petitam, datur etiam, ut diximus, alia infamis & Diabolica, quæ est privatio Habitus Magiæ Naturalis, quem in mancipijs suis supplete conatur Daemon.

21. Hæc varijs & fere innumeris fit modis: milite enim nocendi artibus in genus humanum Satanas fremit, miseros homines seducendo. Ad tres autem generales species reduci potest fœda & detestabilis hæc Magia, quod sit vel Divinatoria, vel Præstigiatoria, vel Effectoria.

22. DIVINATORIA est rerum abditarum ope  
Dæmonis parta cognitio. Cum enim Satanas sp̄i-  
ritus sapiens sit, & multarum rerum abstrusissima-  
rum cognitionem habeat, ideoq̄ homines arcana & oc-  
cultia docere facile potest. Sicut autem ipse Diabo-  
lus se sifit vel candidum ac velut Angelum Lucis, vel  
Nigrum & spiritum tenebrarum; ita magia hæc  
nefaria est vel subtilis, vel crassa. utraq̄ infinitis fit  
modis, quo stamen hic recensere opera & pretium non  
ducimus.

PORISMA. Diabolus homines reverâ à mortuis suscitare ac per  
eos divinare non potest. Soli enim D E O Animarum competit reunitio.  
Hinc etiam sequitur animas sagarum extra corpora abripi & ad nocturna co-  
mitia transferri vicissimq; cum corporibus uniri neutiquam posse.

23. PRÆSTIGIATORIA est admirandorum o-  
perū sed apparētium auxilio Diaboli productio,  
Non enim omnes Satanae effectus veri sunt & tales  
quales apparent, sed putatij per plurimi, quibus calli-  
dissimus ille spiritus hominibus sæpè imponit, dum o-  
culitatem magorum, quam aliorum aspectantium, per-  
mittente ita Deo, fascinantur & illuduntur.

24. Tripliciter autem præstigijs hisce homines  
decipere solet. 1. Objectum verum removendo.  
Sic magus quidam rusticus voravit currum cum feno  
& equis. 2. Objectum falsum offerendo. Sic ferunt  
Pasetem discubitus hospitibus lautissima convivia  
monstrasse, eaq̄ vicissim statim evanuisse, discumben-  
tibus omnibus fame & siti elusis. 3. Sensus pver-  
ten.

tendo. Sic uvas succi plenas quidam protulit, quas  
cum hospites attrectare & rescindere tentarunt, qui-  
vis loco uvae, quam se manibus apprehendisse credidit,  
nasum tenuit & cultro supernè apposito, saltē non de-  
truncavit. Sic quidam virginem in vaccam visus  
est transformasse, quæ licet à se ipsa & parentibus  
vaccæ specie visa sit, ab alijs tamen in propria apparuit  
forma.

PORISMA. Magi seipso vel alios homines in ursos, Lupos, canes,  
feles, asinos & alia animalia revera convertere non possunt. Non enim Na-  
tura, nec Satane hæc animalium productio & mutatio possibilis est.

25. EFFECTORIA est, admirandorum ope-  
rum realium auxilio Diaboli productio. Sic  
Sagæ, indulgente ita Omnipotente, fruges perdunt,  
tempestates cident, pecora ledunt, homines claudos, sur-  
des, cœcos reddunt, imò ipsi virtù non rarò spoliant.  
Hic perversa Satane molimina in genus humanum  
cernere licet: Is enim qui posuit in celo bellum, in pa-  
radiso fraudem, inter primos fratres odium, is etiam  
hominem contra hominem nefarijs excitat armis.

PORISMA. Dæmones cum Magis generare non possunt: Spiritus  
enim sunt; ergo nec corpus, nec organa generationi dicata nec semen habent.

Hæc jam pro instituti ratione de hac materia  
dicta sufficiant.

Tibi Christe Iesu, noster Creator, noster Sa-  
Vator, VIVe DeVs, sIT LaVs, honor, DeCVs  
& gloria in æterna SeCVL a.

M A N T I S S Æ.

I.

Ethica, pars illa philosophiæ Activa, quæ de virtutibus & bonis moribus agit, in Scholis & Academ ijs dum proponitur, entia præter necessitatem non multiplicantur: quælibet enim res in proprio & competenti foro agenda.

2. Sumum bonum civile non in divitijs, non in honore, non in voluptate, nō in contemplatione; Sed in virtutis non impedita actione consistit.
3. Virtus Heroica peculiarem divini Numinis afflatum postulat,
4. Vera Fortitudo nulli noxia, multis proficia est.
5. Ignaviæ notâ non rectè inuruntur, qui ad monachiam provocati sese praesentes non si stunt: Neq; etiam illi, qui pericula supra naturam posita formidant.
6. Mater infantem, nisi grave aliquod impedimentum obstat, proprijs uberibus alere debet.
7. Aristocracia Democratiâ tolerabilior est; Monarchia verò utraq; longè præstantior.

P A R A D O X.

Verum dicens, simul de eadem re mentiri potest: & contra...